

www.BibleForChildren.org



Ioane 14



Iesu ega imoi epaini'i pugu einaka, "Folooopo alomi faemafu. Deo fopako'ania ke lau isafa fopako'aniau. Lau Amau ega e'ai afu ma'o kekae. Ke lau alalao egae oi afumi aga'o alaafia ageka. Laa'i koa aisama, ega'ina afuga fouga maamiaia falaifania."



“Ke lau alalao afumi alapafua ageka aisama, alamue
alamai alaafimi fou agalao, ega koa oi isafa lau kapai
alaagu egae fou faagu laoma.”



Lau Ioane, oi Asia agogai iifi e'a imagea gua aumi
aami lamia. Oi lau Iesu Kristo fou amia kainai,
fou kai'alao isa ega agofa'ai agaagu.


Ke i'a kai'alao akiekie, ke
gamuga mo aopo. Lau



Deo ega iifa, ke Iesu
Kristo ko'a eifafoua
auga laifafoua
puogai, keulaisau ifou
mo lalao Patmos
keleipuagai.




Ega aisama fiakoa mo lau alou Deo ega Spiritu epogu.
Moisa! Ega aisama ufai aguagu afuga eka, ke aufalao
aga'o ega'ina afugai eagu laisa.




Egae kai lau pagama kapa'i ma'oai, ufai, aagoai, a'isa
papagai, a'uai, ke kapa ma'oai egae kekae au'i iina
keifa oma aina'i lalagonia: "Kapa
ma'oai Deo ega aguagu afugai
eague auga ke Sipi Gauga auga
fou, fekeifagaini'i,
fekepalopiani'i, au akaiki'a'i
fekepamia'i, ke
isapu inagome
au'i
fekepamia'i
aoniamo!"



Ke lau, Ierusaleme taonina mamaga, Deo ega Taoni
ufai Deo eegai eake emai auga laisa. Isa auga, ifiao
isa akafa ageakafania auga faugai ekaikai felo
alogaina auga koa i'opoga ekaikai eake emai laisa.




Ke lau Deo ega aguagu afugai aufalao aga'o aina akaiki'agai iina eifa oma aina lalogonia, "Moisa, Deo ega pagua auga pau eake papiiau e'i pagua emia. Ke Isa papiiau fou akeagu. Papiiau ega'ina Isa ega papiiau akemia, ke Deo ifo auga isa fou akemia, ke Isa e'i Deo agemia."



Ke agelo ega'ina lau agapuge mauni epipeni auga feina epakinaisau. Ke fei ega'ina auga kepo afa akaiki'a aka crystal koa i'opoga emalolo alogaina, ke Deo ke Sipi Gauga fou e'i aguagu afugai ekipolai elao.



Ke kina taoni ega'ina laagai afaeaga, ke gafa isafa taoni ega'ina laagai afaepoa. Gome Deo ega eaea akaiki'a auga taoni ega'ina epaeaea. Ke Sipi Gauga auga taoni ega'ina lanepaga emia.




Kai ofu kapa'i aga'omo ganinagai, ega'ina taonina alogai afaekoko. Ke kaisau Deo gua kepakupua kapa'i ekapa'i auga, ke epifoge auga isafa ega'ina taoninai afaekoko. Kai kaisau aka'i Sipi Gauga mauni epipeni auga pukagai kepapua au'i mo egae akekoko.




"Deo isa maa'i iuga ma'oai
agefaina. Ke mae, pinapina,
apepe, ke kiekie fou laa'i
akemia. Gome kapa ufai'i
ma'oai kepagai efua," eoma.




Ke kapa aga'o keifa apala penia auga ega'ina taonina alogai afaeka. Ke Deo ke Sipi Gauga fou e'i aguagu afu'i auga taoni alogai akeka. Ke Isa ega pinauga au'i isa ega pinauga akekapa. Ke pinauga au'i ega'ina Deo kua maaga akeisa, ke aka isa paku'iai ageka.



Ke lau papiiau ma'oai, au akaiki'a'i ke e'ele'i au'i
kema'e au'i Isa ega aguagu afuga agogai keapa, ke Isa
agogai puka keega keka laisa'i. Ke puka i'oina aga'o
isafa kepaega eka. Ega'ina puka auga papiiau agu pagai
maunina fepeni'i auga puka. Ke kema'e au'i
auga isa kapa'ina kekapai'i au'i fou'i
pukai kepapua'i koa i'opoga mo, afa
ega koa keafiia. Ke aufalao
aga'o aka Deo papiiau
agu pagai maunina
fekeafia eoma
pukagai laa'i auga,
keafiia lo ofugaga
akaiki'a alogai kepiulaisa.



Ke Deo ega Spiritu, ke ifiao Sipi Gauga ageakafania
auga fou keifa keinaka, "Mai," keoma. Ke kaisau aina
epaaua isa aina'i elogo auga feifa, "Mai," feoma. Ke
kaisau aiso ekupu auga femai. Ke kaisau anina eani
auga, femai fei mauni epipeni auga afa laa'i, feafi
aagenia mo.



Gome Deo agofa'a papi'au'i ani'i eani
alogaina kainai, Gauga ega mo aga'omo
auga eulaisa emai i'ina agofa'a
papi'au'i ee'iai, ega koa kaisau
mo isa akepako'ania au'i
fakemae umamo kai,
agu pagai maunina
fekeafia
eoma.



Roma 3:23

Gome papiiau ma' oai laomai apala' i kekapai' i, Deo ega agu afugai ega eaea, ke ega isapu akaiki' a afugai afakekoko.

Roma 6:23

Gome laomai apala afa auga mae umamo. Kai i' a a' a Lopia Iesu Kristo faagagai Deo ega pipeni auga agu pagai maunina.

Hibru 9:27

Iesu emae aga' oniamo koa i' opoga, i' a papiiau aumauni isafa Deo ega logoai mae aga' omo agapamia. Ke ega' ina afegai laomai felo o apala afa Deo agepeni' a auga agaisa.



Efesus 2:8,9

Gome Deo ega gafegafe akaiki'a kainai, oi Iesu opako'ania aisama, kaniami eagamauga. Kai Deo oi kaniami eagamauga auga, oi emi pinauga faugai aekapaisa kai, ega pipeni epeniimi, ega koa kai aga'o faeaina'au eoma.

Roma 10:9,10

Pako'a iifaga ega'ina auga oi akemiai Iesu Kristo Lopia auga agoifafoua, ke alomi ko'agai Deo isa maeai epamaunimue auga agopako'ania aisama, Deo oi kaniami ageagamauga. Gome oi alomi ko'agai Iesu agopako'ania aisama, Deo maagai alo opai aumi agomia. Ke oi akemiai Iesu Kristo Lopia auga agoifafoua aisama, Deo oi kaniami ageagamauga.



Ioane 3:16,17 "Gome Deo agofa'a papi'au'i ani'i eani alogaina kainai, Gauga ega mo aga'omo auga eulaisa emai i'ina agofa'a papi'au'i ee'iai, ega koa kaisau mo isa akepako'ania au'i fakemae umamo kai, agu pagai maunina fekeafia eoma. Gome Deo, Isa Gauga i'ina agofa'a papi'au'i e'i laomai apala'i afa fepeni'i puo aeulaisa aemai kai, Isa Gauga faagagai agofa'a papi'au'i kania'i feagamauga eoma puo eulaisa emai."

1 Ioane 5:11-13 Deo i'a agu pagai maunina epenii'a. Ke agu pagai maunina ega'ina auga Iesu Kristo eegai ekae. I'ina iifaga auga Deo eifa ko'ania. Ke kaisau Deo Gauga epako'ania auga agu pagai maunina eafia. Ke kaisau Deo Gauga aepako'ania auga, agu pagai maunina aeafia. Lau oi Deo Gauga aka opako'ania aumi eemiai i'ina malelega laulaisa. Ega koa oi agu pagai maunina oafiia auga fologo laoma.



Ioane 14; 2 Korinto 5; Revelation 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Mekeo NT (mek) © 1998, Wycliffe Bible
Translators, Inc. All rights reserved.

<https://live.bible.is/bible/MEKPNG/MAT/1>

©2025 Bible for Children, Inc.

www.M1914.org

www.bibleforchildren.org

